

Կան, և՛ հասարակական, և՛ կուլտուրական կյանքի բոլոր կողմերի մեջ: Նրկու-
 կուլտուրական աշխարհների այդ ներկայացուցիչների միջև եղած տարբերու-
 թյունների և հակադրությունների այն պայքարը, որը կար XIII դ. սկզբներին,
 արդեն կորցրել էր նախկին խորությունն ու ընդարձակությունը XIX դ. առաջին
 քառորդում նաև Զանգեզուրի գավառում, ինչպես և Անդրկովկասի և Հայկական
 լեռնաշխարհի այլ մասերում: Ռուսական անմիջական կառավարության
 հաստատման միջոցներին այս կենցաղային հեղաշրջումը դրսևորված էր սուր
 և առանձնապես ցայտուն կերպով մանավանդ վիհի այն եղրին, որը բռնած
 էր նորամուտ տարրը, թուրք-մոնղոլական տարրը: Այդ պրոցեսին էր ենթարկ-
 վել ոչ միայն այս նոր ամուր տարրի կենցաղը, այլև նրա ֆիզիկական կաղ-
 մրվածքը: Թուրք-մոնղոլական ռասայի համար հատկանշական մարդաբանա-
 կան (անտրոպոլոգիկ) առանձնահատկություններից շատ չնչին հետքեր էին
 մնում նրա մարմնի վրա: Շնորհիվ այն հանգամանքի, որ տեղական աղվան
 ժողովուրդը իր այն մասով, որը չէր ոչնչացվել կամ դուրս մղվել Մուղանի տա-
 փերից թրքական ալիքի հեղեղման ժամանակ, իր մեջ էր լուծել եկվոր տարրը
 և որ մյուս կողմից՝ թաթար-մոնղոլ ընտանիքները լցվում էին բռնի կամ հո-
 ժարակամ ամուսնությունների միջոցով տեղական հարևան ազգություններին
 պատկանող կենցաղով, թաթարական սերունդները արագ յուրացնում էին էն-
 դեմիկ անթրոպոլոգիկ առանձնահատկությունները: Թաթար-մոնղոլական
 ռասայի դեղին գույնը արդեն բոլորովին անհետացել էր և փոխվել էր տեղում
 իշխող սպիտակագույն տիպի. աչքերի շեղությունը և այտերի բարձր կորու-
 թյունը վերացել էր, մազոտությունը առատացել և մորուքի, բեղերի ու գլխի
 մազերի գույնը տեղական գույնից արդեն բոլորովին չէր տարբերվում: Նրանք
 չէին արդեն Կիրակոս Գանձակեցուն և նրա ժամանակակիցներին տարօրինակ
 թվացող և սարսափ բերող «...տեսլեամբ կերպարանաց դժոխատես և ւահագնա-
 լուր...»²³: Մարդաբանները նորագույն հետազոտությունների մեջ ընդգծում
 են, որ այդ արյունական խառնակումից հաղթող է դուրս եկել ճին տեղա-
 կան արմենոիդ տիպը: Նորամուտ և էնդեմիկ տարրի ֆիզիկական կառուցված-
 քի մեջ կատարված այս մերձեցումը և կայուն միասնությունը, որը գիտական
 նոր ուսումնասիրությունների սկզբում գտնում են որպես վերջնականապես
 ձևավորված պրոցեսի հետևանք, անշուշտ արդյունք է ոչ թե երկու էթնիկ տար-
 րերի վերջին մեկ դարի, այլ արդեն նախորդ վեց հարյուրամյակների համա-
 կեցության: Այն ժամանակաշրջանում իշխող և հրամայող թրքական բոլոր
 խավերը ռուսական տիրապետության հաստատումից առաջ շատ մեծ չափով
 էին օգտվում տեղական քրիստոնյա կանանցով իրենց բանուծի պակասը բռնի
 ձանապարհով անկաշկանդ և ազատ լրացնելու հնարավորությունից: Դրան
 ուղակցում էր մանավանդ այն, որ Ասիայի խորքերից գաղթելուց հետո տեղում
 յուրացրած մահմեդական բարոյահասկացողությունը ոչ թե ոչինչ դեմ չունե-
 ր, այլ խրախուսում էր իրենց մեջ հնուց սովորություն դարձած բազմակնությունը
 և այդ միջոցով՝ իսլամի հետևորդների թվի բազմացումը:

Դիսավորապես կանանց միջոցով է, որ կատարվել է նաև նորամուտ տար-
 րի տնտեսական և կենցաղային մերձեցումը էնդեմիկ, տեղացի տարրի հետ:
 Կանայք իրենց հետ բերում էին և տնտեսելու, կերակուր պատրաստելու, հագ-
 նը վելու, մանուկներին կրթելու, ամուսնու հետ վարվելու իրենց ձևերը, իրենց
 մայրենի երգերն ու եղանակները, հեքիաթները, ավանդությունները, պարերը:

²³ Անդ., գլ. 32, էջ 160: